

26. august 2014

UKA 2014/99

Inatsisartut Suleriaasianni § 36 innersuussutigalugu apeqquaqaat allaavigalugu Inatsisartuni oqallisissiamik siunnersuut imaattoq saqqummiuppara:

Nunatta assartuussinikkut pilersorneqarnera siunissami qanoq allannortissinnaaneripput aammalu qanoq assartuussinerup unammillerfiulernissaa siunertaralugu killilersugaavallaarunnaartissinnaaneripput apeqquaqaat aallaavigalugu oqallinnissamik siunnersuut.

(Inatsisartunut ilaasortaq Karl-Kristian Kruse, Siumut)

Tungavilersuut:

Inuiaqatigiit ukiuni makkunani inuuniarnikkut aammalu ineriartortitsineq eqqarsaatigalugu akit qaffakkiartuinnavinnerat nammassinnaajunnaariartuinnaqarput allannortinneqarsinnaaneranut aqutissat ilagisaattut isigiuaannarpara nunatta pilersorneqarnerani kisermaassinerup allannortinneqarnissaa.

Nunarsuarmioqataanitsinni nunatta inissisimanagera qivaraanni avammut ammanerulernissamik pitsaasumik alloriarfissaqarsorivara, kitaaniit, kujataaniit, kangianiit siunissamilu avannaaniit pisariaqartinneqartunik pilersorneqarsinnaanerput, inuussutissat niuertarfinni akimikkut appasinnerusut aammalu sanaartugassat ullumikkornit akimikkut appasinnerusut nunatsinnut tikisinneqartalernissaat siunertarlugu. Tamaaliornerup aamma siunissami kingunerisinnaavaa inissialioriternerup ullumikkorniit akikinnerulersinnaanera.

Iluaqutaasinnaasulli taakkuinnaanngillat, nunattami pisuussutaanik avammut niueruteqarnermi toqqaannarnerusumik avammut niuerneq aamma siunissami inuiaqatigiinnut annertuumik iluaqutaasiinnaavoq.

Qulaani oqareernittuut nunatsinni akit qaffakkiartuinnavinnerat nammassinnaanngilarput taamaattumillu allannguisariaqarpugut. Nunarput inuulu pillugit siunissami akit appasinnerulerfingisinnaasaannik ujartuisariaqarpugut, tamannalu ujartuineq oqallinnikkut aallartilluta aqutissiuussinnaavarput, siunissami nunatsinnut inuinullu oqinnerpaamik tikkuussisinnaajumalluta.

Inuiaqativut siunissami pitsaaneruserumik akikinneruserumillu pilersorneqalernissaat pinngitsoorata aqutissiuuttariaqarpugut.

Inatsisartunut ilaasortat, nunatsinnut inuinullu iluaqutaasumik oqallilluarisa.